

Investigacion

— Capitulo 3 —

Abuso fisico leve y control financiero*Skirbi pa: mr. dr. Alida 'Lily' Marval***Preguntanan tocante abuso fisico leve:**

E seccion aki ta consisti di 3 pregunta, 1. Lo bo bisa cu tabata of ta berdad cu: 1. El a sera bo de bes en cuando intencionalmente, 2. El a yega di tene bo algun biaha asina duro cu el a haci dolor, 3. El a pusha bo un par di biaha duro contra algo.

Resultado riba abuso fisico leve:

Di un total di 661 respondiente, 112 {6.94%} a reporta cu nan a yega di experiencia un of mas di e formanan di abuso menciona. Kier men cu un di cada 6 di e respondientenan a yega di experiencia por lo menos un di e formanan aki di IPV.

Mencionando e agresor:

Di un total di 112 respondiente, 13 {11.61%} no a contesta e pregunta aki. 50% a menciona nan casa of pareha actual, 43.75% a menciona un expareha y 5.36 % a menciona: tur dos.

Preguntanan tocante Control Financiero

E respondientenan mester a contesta e 4 siguiente preguntanan: lo bo bisa cu ta of tabata berdad

cu, 1. E ta nenga di duna bo suficiente placa pa gastonan di cas, mientras cu tin suficiente placa pa otro cosnan, 2. E no kier cu bo haya informacion di e entrada familiar, ni ora bo puntra, 3, e ta prohibi bo di traha of di tin bo propio entrada, 4. E no ta aproba pa bo tin bo propio entrada.

Resultado tocante Control Financiero

Di 661 respondiente 96 {14.52%} a reporta di a experiencia un of mas di e formanan ariba menciona. Pa e motibo ey e prevalencia di e seccion aki di abuso di IPV ta 14.52%, kier men cu un di cada 6 di e respondientenan aki a experiencia un di e formanan aki di IPV.

Mencionando e agresor tocante Control Financiero

Di 76 respondiente, 20 {26.32%} no a contesta e pregunta aki. Un total di 76 a contesta di e manera aki: 44.74% a menciona e casa of pareha actual; 51.32% a menciona un expartner: y 1.32% a menciona: tur dos.

EMOCION TOCANTE ABUSO FISICO LEVE Y CONTROL FINANCIERO						
Contestacion/Emocionnan	Nada	Apeten un tiki	Tin bialta al tin bialta no	Un tiki	Medio bialta	Total
n°	n°	n°	n°	n°	n°	N
Mi a sinti berguensa	26=36.11%	7=9.72%	7=9.72%	15=20.83%	12=16.67%	77
Mi a sinti impotencia	22=28.95%	3=4.00%	1=1.33%	12=16.00%	22=28.95%	48
Mi a sinti miedo	33=43.42%	5=6.58%	10=13.16%	20=26.32%	7=9.15%	75
Mi a sinti cu ta normal	40=52.63%	2=2.63%	16=21.05%	3=4.00%	1=1.33%	68
Mi a sinti cu mi merece	33=43.42%	0=0.00%	12=16.00%	1=1.33%	1=1.33%	67

E emocion mas negativo ta "impotencia"

{casi 67%}, sigui pa "miedo" y pa ultimo "berguensa". E opcionnan "mi a kere cu ta normal" y "mi a kere cu mi merece" a ser rechaza sucesivamente pa 67.65% y 79.10% di e respondientenan, pero tog 32.35% y 20.90% a acepta nan.

Abuso Psychologico of Emocional

E preguntanan ta lo siguiente: "lo bo bisa cu ta of tabata berdad cu a. el a insulta bo of a haci bo sinti malo di bo mes, b. el a humiliya bo dilanti di otro hende, c. el a haci cos pa spanta bo of intimida bo pa malo, dor di e manera cu e ta wak bo of grita bo of kibra cos, d. el a menaza bo di haci bo daño of un persona cu bo ta stima.

**Resultado di Abuso psychologico of Emocional:**

Di 661 respondientenan 253 {38.28%} a contesta cu nan a experiencia un of mas di e formanan menciona ariba. Esey kier men cu mas o menos un di 3 di e respondientenan a experiencia por lo menos un forma di e IPV abuso aki.

Mencionando e agresor

E respondientenan a contesta di e forma aki: di 253 respondientenan, 49 {19.37%} no a contesta; {47.83%} a menciona nan casa of pareha actual; 74 {29.25%}: un expartner; y 9 {3.56%}: tur dos.

EMOCIONAN TOCANTE ABUSO PSYCHOLOGICO OF ABUSO EMOCIONAL

Contestacion/Emocionnan	Nada	Apeten un tiki	Tin bialta al tin bialta no	Un tiki	Medio bialta	Total
n°	n°	n°	n°	n°	n°	N
Mi a sinti berguensa	35=29.10%	9=7.70%	20=16.54%	35=28.52%	61=50.28%	189
Mi a sinti impotencia	51=26.84%	7=3.68%	27=14.2%	39=20.53%	66=34.74%	190
Mi sinti miedo	76=40.36%	12=6.45%	23=12.37%	26=13.98%	49=26.34%	186
Mi a sinti cu ta normal	120=70.18%	9=5.20%	30=17.54%	4=2.34%	1=0.57%	174
Mi a sinti cu mi merece	122=75.30%	7=4.27%	26=15.66%	4=2.34%	1=0.57%	160

Emocionnan tocante Abuso psychologico of emocional

Atrobe "impotencia" ta e emocion mas menciona {69.47%}, sigui pa "berguensa" {66.14%}, sigui pa "miedo" {52.69%}.

E opcionnan "mi a kere e ta normal" y "mi a kere cu mi ta merece" a ser rechaza respectivamente pa {25.44%} y {79.42%} pa e correspondientenan, pero tog tabatin un di cada 4 respondientenan cu a kere e ta normal of cu nan a merece.